



Na osnovu Zaključka Općinskog vijeća Stari Grad Sarajevo, broj: 02-45-624/21 od 28. 10. 2021.godine, te člana 35. Statuta Općine Stari Grad Sarajevo – prečišćeni tekst („Službene novine Kantona Sarajevo“ broj: 20/13) Općinski načelnik upućuje

**JAVNI POZIV
ZA UČEŠĆE U JAVNOJ RASPRAVI O
NACRTU ODLUKE O VISINI GODIŠNJEG PAUŠALNOG POREZA NA IMOVINU**

Općinsko vijeće Stari Grad Sarajevo na sjednici održanoj 28.10. 2021. godine je utvrdilo Nacrt Odluku o visini godišnjeg paušalnog poreza na imovinu i uputilo ga u javnu raspravu koja će trajati 30 (trideset) dana. Prema zaključku Općinskog vijeća subjekti javne rasprave su: Općinsko vijeće Stari Grad Sarajevo, političke stranke odnosno Klubovi vijećnika, nadležna radna tijela Općinskog vijeća, savjeti mjesnih zajednica Općine Stari Grad Sarajevo, građani i udruženja građana sa područja Općine Stari Grad Sarajevo. Prijedlozi i sugestije na Nacrt Odluke o visini godišnjeg paušalnog poreza na imovinu mogu se dostaviti u pisanoj formi Službi za finansije, najkasnije do 27. novembra 2021. godine putem:

- Pošte ili lično na adresu: Općina Stari Grad Sarajevo, ul. Zelenih beretki br. 4, sa naznakom „Javna rasprava - Nacrt Odluke o visini godišnjeg paušalnog poreza na imovinu “
- E-mail: info@starigrad.ba ili edina.osmanagic@starigrad.ba

Tekst Nacrta Odluke o visini godišnjeg paušalnog poreza na imovinu, subjekti javne rasprave mogu preuzeti na WEB stranici Općine Stari Grad Sarajevo www.starigrad.ba i prostorijama mjesnih zajednica. Nakon sumiranja rezultata javne rasprave o Nacrtu Odluke o visini godišnjeg paušalnog poreza na imovinu, Općinski načelnik će uputiti Općinskom vijeću na usvajanje Prijedlog Odluke o visini godišnjeg paušalnog poreza na imovinu.

Broj: 07-11-7912/21

Sarajevo, 01. novembar, 2021. godine

OPĆINSKI NAČELNIK

mr Ibrahim Hadžibajrić

Na osnovu člana 6. stav 2. Zakona o porezu na imovinu Kantona Sarajevo ("Službene novine Kantona Sarajevo", broj 07/09) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) Općinsko vijeće Stari Grad Sarajevo, na sjednici održanoj 28 . oktobra 2021. godine utvrdilo je

N A C R T O D L U K E **O VISINI GODIŠNJEG PAUŠALNOG POREZA NA IMOVINU**

Član 1. **(Opće odredbe)**

Ovom Odlukom utvrđuje se visina godišnjeg paušalnog iznosa poreza na imovinu koju plaćaju pravna i fizička lica na području Općine Stari Grad Sarajevo.

Član 2. **(Iznos paušalnog poreza)**

Porez na imovinu plaća se u godišnjem paušalnom iznosu za sljedeću imovinu pravnih i fizičkih lica:

- 1) za zgradu ili stan za odmor i rekreaciju i to:
 - a) do 150 m² korisne površine 5,00 KM po 1 m² korisne površine;
 - b) preko 150 m² korisne površine 8,00 KM po 1 m² korisne površine;
- 2) za poslovnu prostoriju, stambenu zgradu ili stan koji se izdaje pod zakup 5,00 KM po 1 m² korisne površine;
- 3) za garažu koja se izdaje pod zakup 6,00 KM po 1 m² korisne površine;
- 4) za izdavanje parking prostor 4,00 KM po 1 m² korisne površine;
- 5) za putničko motorno vozilo do 7 godina starosti:
 - a) do 1600 cm³ radne zapremine 80,00 KM;
 - b) od 1600 cm³ do 1800 cm³ radne zapremine 100,00 KM;
 - c) od 1800 cm³ do 2000 cm³ radne zapremine 150,00 KM;
 - d) preko 2000 cm³ radne zapremine 250,00 KM;
- 6) za motorno vozilo preko 7 godina starosti 50,00 KM;
- 7) za motocikl do 7 godina starosti:
 - a) do 50cm³ radne zapremine 50,00 KM;
 - b) preko 50cm³ radne zapremine 100,00 KM;
- 8) za plovni objekat dužine preko 5 m 300,00 KM;
- 9) za letjelicu u vlasništvu fizičkog lica 6.000,00 KM;
- 10) sto u kasinu 15.000,00 KM po stolu;
- 11) automat za igru na sreću 4.000,00 KM po jednom automatu;
- 12) automat za zabavne igre 940,00 KM po jednom automatu.

Član 3.

(Obračun poreza, rok i mjesto plaćanja poreza, naplata, kamate, povrat, žalbe i zastara)

Odredbe Zakona o porezu na imovinu ("Službene novine Kantona Sarajevo", Broj 7/09) kojima su regulisani obračun poreza, rokovi i mjesto plaćanja, naplata, kamata, povrat, žalba i zastare primjenjuju se na ovu Odluku.

Član 4.

(Stupanje na snagu Odluke)

Ova Odluka stupa na snagu danom objave u "Službenim novinama Kantona Sarajevo", a primjenjivat će se od 01.01.2022. godine.

**PREDSJEDAVAJUĆI
OPĆINSKOG VIJEĆA STARI GRAD
S A R A J E V O**

Broj: 02-45- /21
Sarajevo, oktobar 2021. godine

dr.sc. Mirza Batalović, dipl.el.ing.